

# Савда бинти Замъя розияллоҳу анҳонинг фазллари



17:00 / 24.02.2019 2192

## VIII

Савда бинти Замъя онамиз кўп чиройли ва ҳамида фазилатлар эгаси бўлганлар. Ҳадис, сийрат ва тарих китобларимизда мазкур олиймақом сифатлар ҳақида кўплаб маълумотлар келтирилган. Биз улардан баъзиларини зикр қиласиз.

Имом Бухорий Оиша розияллоҳу анҳодан ривоят қиласиз:

«Муздалифага тушдик. Савда Набий соллаллоҳу алайҳи васалламдан оломон тўпланишидан олдин у ердан жўнаб кетишга изн сўради. У жуда секин ҳаракат қиласиган аёл эди. У зот унга изн бердилар. У оломон тўпланишидан олдин тушиб кетди. Биз тонг отгунча турдик. Ундан кейин тушдик. Савда Расулуллоҳ соллаллоҳу алайҳи васалламдан изн сўрагандек мен ҳам изн сўраганимда яхши бўлар экан».

Бу ерда Савда бинти Замъя онамизнинг бир йўла иккита фазллари намоён бўлмоқда. Биринчиси - ҳаж пайтида аёл кишиларга узр учун Муздалифадан тонг отмай туриб, Минога тушиб кетишларига изн беришнинг шариатга кириб қолишига сабаб бўлганликлари. Савда бинти Замъя онамиз Расулуллоҳ соллаллоҳу алайҳи васалламдан сўраган ана шу

изнга биноан, ҳозиргача аёлларга, bemor, қари ва ожиз кишиларга Муздалифадан тонг отмасдан аввал тушиб кетишга рухсат берилади.

Иккинчиси - ўша пайтдаги вазиятни яхши англаб, тасарруф қилғанликлари. Ҳатто Оиша онамиз кейинги вактларда ҳам Савда бинти Замъя онамизнинг мазкур ишларига ҳавас қилиб юрар эканлар.

Имом Аҳмад Абу Ҳурайра розияллоҳу анҳудан ривоят қиладилар:

«Расулуллоҳ соллаллоҳу алайҳи васаллам видолашув ҳажида ўз аёлларига:

«(Ҳаж) мана шудир. Бундан сўнг (сизларнинг ўрнингиз) бўйраларнинг устидир», дедилар, дедилар. Савда:

«Бундан сўнг ҳеч қачон ҳаж қилмайман», дер эди».

Бошқа бир ривоятда айтилишича:

«Уларнинг ҳаммалари ҳаж қилар эдилар. Фақат Зайнаб бинти Жаҳш ва Савда бинти Замъя қилмас эдилар. Иккови «Аллоҳга қасамки, Расулуллоҳ соллаллоҳу алайҳи васалламдан буни эшитганимиздан кейин бизни улов ҳаракатга солмас», дер эдилар».

«Савда: «Ҳаж қилдим. Умра қилдим. Энди Аллоҳ азза ва жалла менга амр қилганидек, виқор билан уйимда ўтираман», дер эди».

Савда бинти Замъя онамиз жуда ҳам сахий зот эдилар. У кишининг қўлларига тушган мол туриб қолмас эди.

Иbn Саъд раҳматуллоҳи алайҳи Муҳаммад ibn Сирийн розияллоҳу анҳудан ривоят қилади:

«Умар ibn Хаттоб Савда бинти Замъя онамизга бир хуржун дирҳам юборди. У ҳалиги нарсани қўриб:

«Бу нима?» деди.

«Дирҳамлар», дейишди.

«Хуржунда-я?! Хурмо каби-я!? Эй жория, менга товоқ келтир!» деди ва уларни тарқатиб юборди».

Савда бинти Замъя онамиз розияллоҳу анҳо Пайғамбар соллаллоҳу алайҳи васалламдан ҳадиси шарифларни ҳам ривоят қилганлар. Уламоларимиз

катта ҳадис китобларида у кишининг 5 та ҳадислари борлигини зикр қилганлар.

Савда бинти Замъа онамиз розияллоҳу анҳо ҳазрати Умар розияллоҳу анхүнинг хилофатлари охирида саксон ёшдан ўтганларида вафот этдилар. Аллоҳ таоло у кишидан рози бўлсин! Омин!

(тамом)

**«Ҳадис ва ҳаёт» китобидан**